

ARUWEN LEGISLATURE-UN EWE MUUN CHUUK

AUNUNGATIN MWIICHENAP, AEWIN MWIICH ATAPWANAPWAN, JANUARY 1985 NAMOPUNG NO.: 2-125

EW NAMOPUNG

A awora ukukun \$25,000, seni ewe Monienapen ewe Muun Chuuk ren fan asengesin monien niwinin tan ira aan me fetaan aramas ren an Muun kewe angang, me pwan ren ekkoch popun.

Epwe pung me ren ewe Legislature-un ewe Muun Chuuk.

Tetten 1. Iei a kawor ukukun \$25,000, ika fite ukukun epwe tongeni naaf, seni ewe Monienapen ewe Muun Chuuk ren fan asengesin monien niwinin taan ira an me fetaan aramas ren an Muun kewe angang. Ei moni epwe inet nefinen ekkewe nimu congressional election districts non Chuuk ren niwinin claims non ew me ew ekkewe kinikin, epweiei usun:

- 1) First Election District -----\$5,000;
- 2) Second Election District -----\$5,000;
- 3) Third Election District -----\$5,000; me
- 4) Fourth Election District -----\$5,000.

Ewe Fifth Election District epwe einet ngeni met wesewesen enletin me ukukun claim mei tongeni anenetata, fan met mefien ewe allottee, mei fis me ren ewe Division of Land Management non ewe Putaen Resources me Development, nge esap chok tongeni an wisen ewe Fifth Election District epwe nap seni \$5,000.00. Ewe Allottee mei pwan tongeni eineeti met nussun ewe \$5,000 mei no-ngeni ewe Fifth Election District, nefinen ekkewe pwan ekkoch election district mei affat asan, ren ei popun mei affat non ei Tetten, won aukukun me nonon enletin me wesewesen aukukun claims mei fis non ew me ew ekkewe election district, non met ewe allottee a mefi, non mwokutun ewe Division of Land Management, pwe mei puung.

Tetten 2. Ei ukukun moni mei kawor me ren Tetten 1. epwe no-ngeni ika einet ngeni ewe Kepina, ewe epwe wisen tumunu nounoun me mwokutukutun ewe moni ren fan iten ewe Legislature-un Chuuk ren an epwe chok fiti meta mei affat me non Tetten 1, pwan fiti pungun ewe State Financial Management Act, iwe esap pwan wor nounoun ei moni epwe nap seni ei ukukun mei kawor. Met nussun moni esemwo it ne nounou non September 30, 1985, epwe niwinsefan ngeni ewe Monienapen ewe Muun Chuuk

Tetten 3. Ewe Kepina epwe awora an report ngeni ewe Legislature me mwen April 15, 1985, epwe affatatiw:

- 1) unusen porausen nounoun ewe moni mei kawor me ren Tetten 1, fongon me met ukukun nussun mei wor non April 1, 1985;
- 2) napanapen an ewe moni mei wor non April 1, 1985, epwe nounou non metewe nussun ewe fiscal year, nge och sopusopun report won ewe nussun moni epwe pwan kawor ngeni ewe Legislature ika ew committee mei wenengeni, nefinen 20 ran me murin soponon ewe fiscal year; pwan
- 3) awora napanapen ukukun moni epwe pwan kawor ren ewe niwininfetan aramas ira non Fiscal Year 1986.

Tetten 4. Ei Namopung epwe poputa pochokunan fansoun an a kapunguno me ren ewe Kepina, ika fansoun an a pusin winiti annuk nge esemwo kapunguno.

Sain seni: _____

Simeon Innocenti, Speaker
Truk State Legislature

Annetata: _____

Datasi Albert
Legislative Chief Clerk
Truk State Legislature

Pwinin maram: _____

Jan 25/1985

A Kapunguno Seni: _____

Erhart Aten, Governor
Truk State Government

Pwinin maram: _____